

ত্রিপুরা হাফাঙ
ককথুম তেই হুকুমু দাগিখুঙ

স-২৫৯১

আগরতলা, ২৯ আগস্ট, ২০২৫

উদয়পুর অ সালনায়নি কলা উৎসব চেঙজাকখা
কলা উৎসবনি বিসিংতাই সীরাঙনায়-সীরাঙনায়জীকরগনি
রীঙমুঙনি হামকীরাই অঁঙনায় : রাঙ নাইখুঙনি মন্ত্ৰি

রীঙনক রীঙ নাইখুঙনি লুউজিমুঙগ' উদয়পুরনি রাজর্ষি হল' থাংনাই ২৮ আগস্টনি সিমি সালনায়নি গোমতী হাঙখররেমনি কলা উৎসব এবা রীবাই তের চেঙজাকখা। অ উৎসব এবা তেরন' চেঙগাঁই রীখা রাঙ নাইখুঙনি মন্ত্ৰি প্রগজিৎ সিংহরায়। চেঙনায়নি ককমুঙগ' ব সাখা, মন্ত্ৰি বখরক নরেন্দ্র মোদিনি তীয়দুলমুঙ বাই হাকতরনি রীঙনি বেখেরেপন' কীরাব খীলায়নানি বাগাঁই ন্যাশনাল এডুকেশন পলিসি ২০২০ চেঙজাকখা। প্রি-প্রাইমারি এডুকেশন রেমনি সিমি হয়ার এডুকেশন রেম জরা রীঙন' কীতালকুক খীলায়নানি সামুঙ চেঙজাকখা। ব সাখা, কলা উৎসবনি বিসিংতাই সীরাঙনায়-সীরাঙনায়জীকরগনি রীঙমুঙনি হামকীরাই অঁঙনাই। রীঙসীরাঙনাইরগনি বিসিং হিডেন্ট ট্যালেন্টরগন' কিয়কজাক খীলায়নানি বাগাঁই জুদাকুক হায়া অঁংখা কলা উৎসব এবা আর্ট ফেস্টিভাল। ব হাঙখররেম অ সামুঙবীতাং কাহাম খীলায় সঙচানানি বাগাঁই দিয়াইখা।

পানদাঅ বন' কারীইব' ককমুঙ নারীকখা এমএলএ রামপদ জমাতিয়া, গোমতী হাঙখরনি ডিএম রিঙ্কু লাথের আকসঙ। পানদাঅ মানজাক ফায়খা এমএলএ অভিষেক দেবরায়, সোশাল ওয়ার্কার সবিতা নাথ আকসঙ। লামসগাঁই ককমুঙ নারীকখা গোমতী ডিস্ট্রিক্ট এডুকেশন অফিসার কল্যাণ ভদ্র। পানদান' তীয়দুলখা উদয়পুর পুর পরিষদনি চেয়ারপার্সন শীতলচন্দ্র মজুমদার। সালনায়নি অ কলা উৎসব অ হাঙখরনি জুদা জুদা রীঙনকনি রেমচুকুনি সিমি রেমচিনীয় অ পরিউই তঙনায় ৪৪১ জনা সীরাঙনায়-সীরাঙনায়জীকরগ মীসামুঙ, রীচাবমুঙ, থুঙনুক, মাঙপিলি তাই তাকমুঙ আকরগ হাই ১২টা হুকুমনি বাতায়লায়মুঙগ' মানজাকখা। জত' বাতায়লায়মুঙগ' পুইলা আচুকথায় মানায়রগ হাসতেরেমনি কলা উৎসব অ মানজাকনায়।
